



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IV. Legatione Romani Pontificis fungebatur. Quod probatur non solùm
argumentis, sed etiam testimonio Eusebij, apud Gelasium Cyzicenum.
cujus meminit Photius.

urn:nbn:de:hbz:466:1-15617

Vicarios absentium restringatur: ubi Philip-
pus Presbyter ait Concilium illud conflu-
tum fuisse ex Episcopis Ecclesiæ Orientalis
& Occidentalis, qui aut præsentes aderant
ipsi, aut per Legatos.

II. In Legatis hujusce generis emicuit
olim amplissima Romanæ sedis dignitas &
auctoritas, quæ Legatorum suorum ministe-
rio Synodis Oecumenicis præfuit, hæreses
profligavit, hæreticos proscriptis, canones
de disciplina ecclesiastica unâ cum ceteris
Episcopis ad Concilia evocatis decrevit. In
eo autem conveniunt Legati Romanæ sedis
cum reliquarum Ecclesiarum Legatis, quod
Romani Pontificis, à quo mittuntur, vices
agunt, & integrum ipsius dignitatem atque
auctoritatem representant; quemadmodum
ceteri Legati suarum provinciarum præsen-
tiam & suffragia exhibent. Sed in eo maxi-
mè differunt, quod Romani ea jurisdictione
aucti sunt quæ illis legatione dempta non
compereret; cum provinciarum Legati suo
nomine suffragia ferre possent in synodis, eti
legatione desituerentur. Sed Pachasius &
Lucentius Episcopi, multò minus Bonifacius
Presbyter, Conilio Chalcedonensi
non præfuerint, neque jure relationis & suf-
fragij prærogativa usi forent, nisi ob legatio-
nem à Leone injunctam, qui jurisdictionem
suam illis ad Eutychen confodiendum in
synodo mandavit.

III. Quoniam verò magna contentione
certatur an primum locum in Synodis Oecu-
menicis Legati Romani obtinuerint, non
alienum erit ab instituto, quæ ad rem istam
pertinentia aliquando observavimus, brevi-
ter & dilucide promere. Primus pugnae gradus
in Synodo Nicæa, quæ ex orbe Christiano à Constantino coacta, Orientalium
Episcoporum frequentissimo numero cele-
brata est; ex Italia verò & remotioribus Oc-
cidentis paribus Legati tantum adfuerunt.
Huic sanctissimo & celeberrimo cœtu
Osium Episcopum Corduba præsedisse fa-
tentur omnes, post Athanasium; qui eum
ducem & antesignanum synodorum fuisse
doct, & ab Arrianis Præsidem synodorum
appellatum. Quod eriam demonstratur è
Socrate; qui Athanasij Synodicum secutus,
Episcoporum insignium qui synodo inter-
fuerant nomina recensens, ab Osio Episcopo
Cordubæ, Vitone & Vincentio Presbyteris,
auspicatur; quibus subjungit Alexandrum
Ægypti, Eustathium Antiochiae, & Maca-
rium Hierosolymorum Episcopos; codem
ordine in recensendis Episcopis illis servato
quem Nicæni canones Romanæ, Alexan-
drinæ, Antiochenæ, & Hierosolymitanæ
sedi assignarunt. Primus denique Concilio

subscribit Osius, cum Vitone & Vincentio
Romanæ Ecclesiæ Presbyteris.

IV. Sed probandum nobis incumbit
Osium legatione Romani Pontificis in hac
synodo functum. Sanè si argumentis agere-
tur, difficultas ista uno verbo confici posset.
Cum enim è Synodico Athanasij habeamus
Vitone & Vincentium Romanæ Ecclesiæ
Presbyteros Ægypti & Orientis Patriarchis
prælatos, (quod alio jure niti non poterat
quam jure legationis illis à Romano Pontifi-
ce imposita, ut sedium jura in eadem synodo
confirmata, illibata servarentur) nemo
absque pervicacia negare poterit quin
Osium Occidentalis Ecclesiæ Episcopus eo-
dem legationis jure & Patriarchis & Roma-
nis Presbyteris prælatus fuerit. Alioquin il-
lud quoque absurdum sequeretur, Alexan-
drinum Episcopum non secundum locum si-
bi juxta mores antiquos decretum, sed ter-
tium occupasse, si Osio legationis Romanæ
dignitas adimatur. Donec ergo judicio syno-
di Nicæn aut Constantini delegatione do-
ceatur Osio delatam fuisse ~~prostipias~~, necesse
est ut ejus dignitatem à legatione Pontificis
& Synodi Occidentalis accersamus; præser-
tim cum id quod asserimus docuerit olim
Eusebius, juxta fidem Gelasij Cyziceni, qui
circa annum C D L X X X. acta Concilij Nicæ-
ni collegit. Hic enim auctor ex tertio libro
Eusebij de vita Constantini se ista ad ver-
bum transcripsisse profitetur. Ipse ex Hispanis
valde celebratus Osius, obtinens locum magnæ
Rome Episcopi Silvætri, cum Presbyteris Rome
Vitone & Vincentio, cum plurimis aliis conside-
bat. Vrbis autem illius que nunc imperat Episco-
pus, Metaphanes nomine, propter senectutem
non adfuit; ipsius verò Presbyteri qui aderant,
ejus locum supplevere; quorum unus erat Ale-
xander, qui urbis episcopatum post Metaphanum
adeptus est. Autòs τὸ Σπανδοῦ ὁ πάντα βασιλεὺς Θεός Gel. Cyzic. lib.
Οσιοῦ, ἐπέχει τὸ τέπον τὸ μεγάλης Ρώμης
πατρότητος. Σιδέρετρος, αὐτὸς πρεσβύτερος Ρώμης
Βιτανοῦ Εὐσταθίου τοῖς πολλοῖς ἀμα συνιδέουσιν.
τῆς τε ρωμαϊκοῦ πολεως ὁ μὲν πρεσβύτερος,
Μητροφάνης τε καὶ οὐα, διάγνοσις ὑπέρει. πρεσβύτε-
ροι δὲ αὐτῆς πολέως τελοῦνται οὐαὶ οὐαὶ οὐαὶ. ὃν δὲ
εἰς Αλέξανδροῦ λόγον μετ' αὐτοῖς εἴποντος τῆς
αὐτῆς γενομένης πολεως. Ne quis autem suspice-
tur editioni Gelasij Cyziceno per impostu-
ram à nostris, qui opus illud è Bibliotheca
Vaticana & ex altero codice Constantino-
politano publicarunt, pericopam illam in-
sertam fuisse, præstò aderit Photius Patriar-
cha Constantinopolitanus, vir quidem mul-
tiplicis lectionis & eruditus, sed amaro in
Pontifices animo, atque auctor schismatis
Orientalium. Hic ergo testatur à se perfecta
Concilij Nicæni acta à Gelasio Cyziceno

Photius in Biblio-
theca c. 83.

Tom. II.

B

interpolata; in quibus referretur Osium Cordubensem, Vitonem & Vincentium Romanos Presbyteros, vice Silvestri Romani Episcopi interfuisse, ipsiusque Eustathium Antiochenum; Alexandrum vero Presbyterum vice Metrophanis Constantinopolitanus, qui decrepita senectute laborabat, synodo adfuisse. Quam sententiam ipse Photius suffragio suo probavit in epistola ad Michaellem Regem Bulgarorum; ubi legationem a Silvestro injunctam fuisse Cordubensi Osio & duabus Presbyteris Romanis scriptis.

V. Sed testimonio Gelasij opponitur non solum Eusebij editio, qua hodie extat, sed etiam illa qua Socratis historici tempore, qui paulo antiquior est Gelasio, manibus omnium terebatur; a qua verba illa de legatione Osij, Vintonis, & Vincentij omnino absunt. Ita se habet locus Socratis:

Eusebii libro tertio de vita Constantini hec ait ad verbum: I sequitur ex Hispanis valde celebratus, cum aliis multis confedit. Urbis vero illius que imperat Episcopus, propter senectutem non adfuit. ipsius vero Presbyteri qui aderant, ejus locum supplevere. Autem in Σπάρτη ὁ πατὴρ βοῶθεψός, εἰς τὸν τοιούτοις ἀμφὶ συνεδριαν. τὸν δὲ γέροντα οἰκείου τοῖς εὐαγγελίοις, διαγένεται, τὸν αὐτὸν τοποῦ ἦντον παρόντες, τὸν αὐτὸν Γέροντα λόγον.

Sozom. lib. 1. c. 16
Theodor. lib. 1.
c. 7.

Quin etiam Sozomenus atque Theodoreus hanc Eusebij lectionem qua a Socrate profertur secuti, Osij nulla mentione facit, Pontificem Romanum ingraevitatem etate praepeditum ne synodo interesset, duos Presbyteros delegasse scribunt; quos Vintonis & Vincentij nomine Sozomenus designat. Ex horum trium historicorum testimonio duo quaedam colliguntur, qua hanc disceptationem profunda velut caligine involvunt. Vnum est, legationem Osij in codicibus Eusebij, quibus illi utebantur, omnino dissimulatam. Alterum, legationem Romanii Pontificis ad duos Presbyteros a Sozomeno & Theodoreo restrictam, quod legationem omnem admittit Osio. Non me lateri viris eruditis placuisse distinctionem quandam Legatorum, quos in externos dividunt & internos; ita ut de solis internis & veluti domesticis Ecclesiæ Romanae Legatis a latere Pontificis missi loquantur Theodoreus & Sozomenus. quod legationi Osij non detrahit, quam ex mandato Papæ & Synodi Occidentalis gerebat. Sed distinctione ista in sexta Synodo initium sumpsi, ut dicemus suo loco.

VI. Verum, ut fine ullo partium studio eloquar quod sentio, locus Eusebij in vulgaris editionibus mutilus esse mihi omnino videtur, quod ante me professus est vir eruditissimus Ioannes Morinus. Illam vero labem

nolim audaciae Græculi cuiusdam adscribere qui a Socrate & Eusebio verba illa eraserit, cum a Theodoro & Sozomeno constet illorum etate codices Eusebij & Socratis viatio illo laborasse, ut statim dicam. Proclivis error ex amanuensum incuria, qui unum aut alterum versum inter exscribendum omisserunt. Neque enim in verborum immutacionibus, sed in pericope unius omissione error iste versatur. Fatendum quidem est absque subsidio melioris codicis labem illam deprehendi non posse; ita ut de negligentia Socratis, Sozomeni, & Theodori nemo conqueri possit, neque de illorum bona fide aliquid sinistro suspicari: qui si codices integriores naucti fuissent, veram lectionem non dissimulassent; quemadmodum neque Gelasius Cyzicus eam dissimulavit. Sed profitari ausim ex indicio Gelasij, facillimum esse cuique non obtusi omnino ingenij viro hiatum illum apud Eusebij codices vulgatos deprehendere. Quis enim non statim advertit aliquid deesse in his Eusebij verbis, *Ex Hispanis celebratus ille adfuit cum ceteris*? Quis tandem erit ille Hispanus, licet fama celebritate conspicuus, si nomen ejus taceatur? Hoc loquendi genus aliquo pacto ferri posset in oratione panegyrica: quod tamen sine virtute usurpari non potest in historia, qua virorum illustrium nomina posteritati commendare debet. Si consulatur Gelasij codex, statim labes illa deprehenditur. Verbis enim illis generalibus Eusebij subjungitur Osij nomen & legatio.

VII. Deinde si quis accuratè expendat Eusebium, cum agit de urbis regia Episcopo ob etatem ingraevitatem impedito ne synodo interesset, de Metrophane Constantinopolitano accipendum intelliger, non autem de Silvestro Romano. Hic enim undecim annis superstes fuit Concilio Niceno. Metrophanes vero morbo & etate fessus, statim post synodum obiit; in cuius locum sufficit est Alexander, ut demonstratum est a viro doctissimo Ioanne Morino. Itaque Nicetas Choniates, emunctor naris, haec Eusebij verba ad Episcopum Constantinopolitanum referenda esse subdoratus est: *Eusebius Pamphili, inquit, in tertio libro vite Constantini abfuisse ait Episcopum Constantinopolos ob senectutem, (sed illius nomen non declarat) illius vero locum tenuisse ejus Presbyteros. Sed Aet. synodi referunt tunc Metrophanem Constantinopolitanum Episcopum fuisse, ob decrepitam etatem non interfuisse Concilio, ejusque locum suppleuisse Alexandrum.* Quam explicationem affecitus est ope Actorum Concilij Nicenæ a Gelasio Cyziceno collectorum. Hoc subsidio destituti Theodoreto

Morinus. lib. 1.
2. ser. 1. fol. 10.
Yag. 143.